


Ein Christenlichs lied Doctoris

Martini Luthers/die vnaussprechliche
gnaden Gottes vnd des rechten
Glaubens begreiffend.



Nun frewt euch lieben christen gmeyn.



Nun frewt euch lieben Christen gmein/Vnd last vns frö-
lich springen/Das wir getrost vnd all in ein/Mit lust vnd
liebe singen/Was got an vns gewende hat/Vnd seine süsse
wunder that/Gar theur hat ers erworben.

Dem Teuffel ich gefangen lag/Im todt war ich verloren/
Mein sündt mich quellet nacht vñ tag/Darinn ich war ge-
boren/Ich viel auch ymmer tieffer drein/Es war kein güts
am leben mein/Die sündt hat mich besessen.

Mein güte werck die golten nicht/Es war mit in verdor-
ben/Der frey will hasset gots gericht/Er war zum güte er-
storben/Die angst mich zu verzweyffeln treyb/Das nichts
dann sterben bey mir bleyb/Zur hellen müst ich sincken.